



Bou ons kinders vir môre

Sondagskool 3

**Lestitel: Joseph openbaar sy identiteit**

# 'n Ouerhandleiding

Sondagskooltuisonderrig



# Liewe Ouer

Welkom by die les: “**Joseph openbaar sy identiteit**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

| Stap | Aksie                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
|------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.   | Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk:<br><a href="https://bit.ly/3NACSSHS">https://bit.ly/3NACSSHS</a>                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |
| 2.   | <p>Versamel die volgende hulpmiddels om te verseker dat u vir die les gereed is:</p> <ul style="list-style-type: none"><li>• Bybel</li><li>• Die les in PDF-formaat wat reeds voorberei is</li><li>• Kind se werkboek, potlode, kryte, ens.</li><li>• Die kort video, wat 'n addisionele / opsionele hulpmiddel is</li><li>• Kategismus in Vrae en Antwoorde (veral vir Konfirmasie)</li></ul> <p><b>Nota:</b></p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste!<br/>Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p> |
| 3.   | Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |



# Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

| Stap | Aksie                                                                                                                                                      |
|------|------------------------------------------------------------------------------------------------------------------------------------------------------------|
| 4    | Skep 'n aangename en steurnisvrye leeromgewing waar u en die kind / kinders op dieselfde vlak kan wees.<br><b>Voorbeeld:</b> Sit op 'n mat of om 'n tafel. |
| 5    | Lees die les deur. Lees weer deur die les sodat u dit verstaan.<br>Kyk na die kort video van die les om 'n beter begrip van die les te kry.                |
| 6    | Maak vir jouself aantekeninge oor belangrike punte wat jy graag wil onthou.                                                                                |
| 7    | Verstaan die doelwit van die les, wat deur u kind onthou moet word.                                                                                        |
| 8    | Bied die les vir u kind aan.                                                                                                                               |
| 9    | Wys vir jou kind die video en bespreek die betekenis daarvan.                                                                                              |
| 10   | Verwys u kind na die aktiwiteit in die kind se werkboek                                                                                                    |
| 11   | Bid of vra u kind om te bid om sodoende die les af te sluit.                                                                                               |

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



## Die Les

|                   |                                                                         |
|-------------------|-------------------------------------------------------------------------|
| <b>Lestitel</b>   | Joseph openbaar sy identiteit                                           |
| <b>Bybelwoord</b> | Genesis 43 tot Genesis 45:15                                            |
| <b>Lesdoelwit</b> | Die kinders is verbaas oor hoe wonderlik die Here vir Josef gehelp het. |

## Lesopsomming:

- Onthou, Josef het graan aan sy broers verkoop, maar hy het nie bekend gemaak wie hy was nie. Hy het hulle daarvan beskuldig dat hulle spioene is en daarop aangedring dat een van die broers in die tronk sal bly totdat hulle die jongste broer na hom toe bring. Jakob wou Benjamin nie na Egipte stuur nie.
- Dan besef Jakob dat die graan wat sy seuns vanaf Egipte gebring het, nie lank sou hou nie. Hy sal sy seuns moet terugstuur vir meer. Maar dit sou beteken dat hy sy geliefde Benjamin saam met hulle moes stuur. Juda het toe belowe om na Benjamin te kyk en Jakob het ingestem. Hy het vir hulle gesê om geskenke vir die man te neem en ook die geld wat hulle in die sakke graan gevind het, terug te gee. Jakob was hartseer toe hy sy seuns sien vertrek.
- Toe hulle in Egipte aankom en voor Josef verskyn, nooi hy hulle uit om saam met hom te gaan eet en Simeon word uit die tronk vrygelaat. Die broers is verbaas oor hierdie vriendelikheid. Wanneer Joseph aan Benjamin voorgestel word, word hy oorweldig en hardloop uit die kamer.
- By die ete laat Josef die broers vanaf die oudste tot die jongste sit. Die broers is so verbaas. Hulle merk ook op dat Benjamin die beste van alles en die meeste gegee word.
- Na die ete beveel Josef dat die sakke met graan gevul moet word en dat die geld weer bo-op geplaas moet word. In Benjamin se sak word 'n silwer beker versteek.
- Die broers bedank Josef en vertrek. Maar hulle is skaars buite die stad toe wagte hulle omring. “Julle is diewe”, sê hulle. Die sakke word oopgemaak en die beker word gevind. Benjamin huil en ontken dat hy dit geneem het. Die wagte ketting hom vas en neem hom terug stad toe.
- Wanneer die broers voor Josef verskyn, pleit Juda dat Benjamin vrygelaat moet word. “Ons ou vader sal nooit die hartseer oorleef nie, meneer. Neem my asseblief en laat vir Benjamin gaan.”



- Josef, beveel dan vir almal behalwe die broers uit die kamer. Hy kyk na hulle en sê: “Ek is Josef. Ek is julle broer. Hulle is almal geskok.” Hy is so bly dat Jakob nog lewe.
- Hy sê dan vir hulle dat hy hulle vergewe het. “God het my op die wonderlikste manier gelei. Hy het my 'n heerser in Egipte gemaak sodat julle, ons gesin en baie ander mense van hongersnood gered kon word.”
- Josef en sy broers omhels en is bly dat hulle weer herenig kon word.

## Wat beteken hierdie les vandag vir ons?

- God het wonderlike planne vir ons lewens. Selfs in moeilike tye lei God ons altyd.
- God verander slegte situasies in seëninge - die slegte daad van die verkoop van Josef blyk 'n seën te wees. Ons slegte situasies kan deur God in seëninge verander word.
- Ons moet altyd op God se leiding in ons lewens vertrou. Hy hou altyd by sy beloftes.

## Sommige vrae wat ons kan vra:

### 1. Waarom het Jakob sy seuns na Egipte teruggestuur?

*Antwoord: Hy het besef dat die graan wat hulle gehad het, nie genoeg was nie*

### 2. Hoe het Josef die broers tydens aandete laat sit?

*Antwoord: Josef sit die broers van die oudste tot die jongste*

### 3. Waarom is Benjamin in hegtenis geneem?

*Antwoord: Josef het 'n silwer beker in sy sak laat sit en hulle het hom daarvan beskuldig dat hy 'n dief was*

### 4. Wie het gepleit om in die plek van Benjamin gearresteer te word?

*Antwoord: Juda*



**'n Gebed vir Pappa en Mamma om voor die les te bid:**

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

**'n Gebed na die les:**

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.